

Amalan Rukun Tetangga

AKTIVITI




1. Kenal pasti kata nama berimbuhan awalan dan akhiran.
2. Bina ayat daripada perkataan tersebut.

Segelintir masyarakat metropolitan hari ini bersifat bagai enau di dalam belukar, melepaskan pucuk masing-masing. Namun begitu, terdapat sesetengah masyarakat di bandar yang penghuninya mengambil berat antara satu sama lain. Mereka mempunyai persatuan penduduk yang saling berganding bahu dalam menggerakkan aktiviti bergotong-royong, terutamanya dalam menjayakan amalan rukun tetangga.

Amalan rukun tetangga di sesebuah kawasan perumahan dapat menunjukkan adanya kesatuan dalam kalangan penduduk kawasan tersebut. Rukun tetangga juga mencerminkan nilai bersatu hati, persefahaman, dan sikap bertanggungjawab. Kerjasama begini sepatutnya tidak hanya tertumpu pada kaum tertentu malahan perlu juga melibatkan berbilang kaum. Setiap penghuni haruslah bersikap seperti aur dengan tebing dan saling mengenali antara satu dengan yang lain. Melalui pendekatan ini, kemufakatan akan wujud dan aktiviti rukun tetangga dapat dijayakan.

Tugas sebagai pengawal pada waktu malam sambil menjaga keamanan kawasan setempat amat memerlukan kerjasama setiap individu. Tugas harian sebegini samalah seperti tugas seseorang sukarelawan. Pengorbanan yang diberikan dianggap mulia demi menjaga keharmonian bersama.

Imbuhan Kata Nama



TEROKA MINDA



1. Huraikan peranan murid dalam mengekalkan keharmonian di sekolah.
2. Jelaskan faedah-faedah menyertai aktiviti rukun tetangga.

PERKASA ILMU

Kata berimbuhan ialah perkataan yang terbentuk daripada proses pengimbuhan, iaitu menggandingkan imbuhan dengan kata dasar. Kata dasar pula ialah kata yang belum menerima imbuhan.

Imbuhan awalan – hadir sebelum kata dasar.
Imbuhan akhiran – hadir sesudah kata dasar.

Kenal pasti kata nama berimbuhan awalan dan kata nama berimbuhan akhiran di dalam petikan dan kemudian bina ayat bagi perkataan yang berimbuhan itu.

KATA NAMA BERIMBUHAN AWALAN

Contoh

Contoh Kata Dasar dan Kata Nama berimbuhan awalan	Ayat
ladang – peladang (kata dasar) – (kata nama berimbuhan awalan)	Pertikaian yang berlaku di kalangan peladang Muda dendaklah diselesaikan secara rundingan.

Contoh Kata Dasar dan Kata Nama berimbuhan awalan	Ayat

KATA NAMA BERIMBUHAN AKHIRAN

Contoh

Contoh Kata Dasar dan Kata Nama berimbuhan akhiran	Ayat
laut – lautan (kata dasar) – (kata nama berimbuhan akhiran)	Kapal perang Amerika itu telah berlayar di lautan yang luas.

Contoh Kata Dasar dan Kata Nama berimbuhan akhiran	Ayat